

Izjava predsjedavajućeg Upravnog odbora Vijeća za provedbu mira



Ambasadori Upravnog odbora Vijeća za provedbu mira sastali su se danas kako bi razgovarali o aktuelnim političkim dešavanjima u vezi sa sudskim postupkom protiv predsjednika Republike Srpske Milorada Dodika i v.d. direktora Službenog glasnika RS Miloša Lukića.

Članice su pozdravile nedavnu izjavu Misije OSCE-a u Bosni i Hercegovini i još jednom pozvale sve da se suzdrže od uplitanja, pritisaka i političkih prijetnji i da poštuju nezavisnost pravosuđa Bosne i Hercegovine.

Članice su još jednom potvrdile svoju nedvosmisleno opredijeljenost za teritorijalni integritet Bosne i Hercegovine kao jedinstvene suverene države koja se sastoji od dva entiteta, Federacije Bosne i Hercegovine i Republike Srpske te Brčko Distrikta.